



TOSHKENT DAVLAT YURIDIK UNIVERSITETI REKTORINING B U Y R U G ' I

19.06.2024

105-um-son

Toshkent davlat yuridik universiteti talabalari uchun “TDYU yozgi lageri” loyihasini tashkil etish to‘g‘risida

O‘zbekiston Respublikasi Prezidenti rahbarligida 2023-yil 11-aprel kuni “Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari yuzasidan o‘tkazilgan videoselektor yig‘ilishida berilgan 18-son topshiriqlar bayoni, O‘zbekiston Respublikasi oliy ta’lim, fan va innovatsiyalar vazirining 2024-yil 4-iyundagi “Oliy ta’lim muassasalarining faoliyat natijadorligini oshirish bo‘yicha “Yo‘l xarita”larini tasdiqlash va bajarilishi ustidan nazoratni tashkil etish to‘g‘risida”gi 65-xdfu-son buyrug‘i, O‘zbekiston Respublikasi adliya vazirining 2024-yil 19-yanvardagi 11/4-1/282-son Adliya vazirligining yoshlar bilan ishlash dasturi yuzasidan tasdiqlangan topshiriq xatida belgilangan vazifalar ijrosini ta’minlash, Toshkent davlat yuridik universiteti iqtidorli hamda ijtimoiy himoyaga muhtoj oila farzandi bo‘lgan talabalarga qo‘shimcha imkoniyatlar va shart-sharoitlar yaratish, faolliklarini qo‘llab-quvvatlash, talabalarning bilim va mahoratlarini oshirish oqrali ularda daxldorlik hamda jamoada ishlash ko‘nikmalarini shakllantirish maqsadida

B U Y U R A M A N:

1. Toshkent davlat yuridik universiteti (bundan buyon matnda – TDYU) O‘zbekiston yoshlar ittifoqi boshalang‘ich tashkiloti vakillari, Ma’naviyat va ma’rifat markazi xodimlari hamda bir guruh faol talabalarning TDYU yozgi lagerini tashkil etish bo‘yicha bildirgan taklifiga rozilik berilsin.

2. TDYU yozgi lageri “Mamlakat kelajagi – qonunga itoatkor va huquqbuzarlikka toqatsiz yoshlar bilan” shioiri ostida 2024-yil 24-29-iyun kunlari Toshkent viloyati, Bo‘stonliq tumanidagi “Yoshlar oromgohi”da o‘tkazilishi belgilansin.

Bunda klub, loyiha va tanlovlarning koordinatorlari, Yoshlar kengashi hamda talabalar assosiatsiyasi faollarini o‘qitish orqali ularda talabalarni universitetda faoliyat yuritayotgan klub va doimiy loyihalar faoliyatiga keng jalb

qilish, targ'ibot qilish ko'nikmalarini shakllantirish, universitet ijtimoiy hayotiga keng jalb qilinishi masalalariga alohida e'tibor qaratilsin.

3. TDYU yozgi lagerini tashkil etish uchun "Yoshlar oromgohi"dan 75 o'rinli joy band qilinsin va oromgoh xarajatlari universitet tomonidan qoplansin.

Oromgohga Universitet ijtimoiy hayotida faol, klub va loyihalar koordinatorlari, mentorlar, Yoshlar ittifoqi boshlangich tashkiloti va Talabalar assotsiatsiyasi faollari xalqaro tanlovlarda munosib ishtirok etib kelayotgan, o'zlashtirish ko'rsatkichi yuqori bo'lgan hamda ijtimoiy himoyaga muhtoj oila farzandlari bo'lgan talabalar qamrab olinsin.

4. TDYU yozgi lageri doirasida o'tkaziladigan kunlik tadbirlar, o'zi rivojlantirishga qaratilgan o'quvlar va loyihalar hamda O'zbekiston Respublikasi Prezidentining 2024-yil 24-maydagi PF-80-son Farmoni mazmun-mohiyatini joylarga yetkazishga qaratilgan darslar dasturi 1-ilovaga muvofiq, yozgi lager loyihasini yuqori saviyada tashkil etish bo'yicha mas'ullar ro'yxati 2-ilovaga muvofiq tasdiqlansin.

5. Kadrlar bo'limi (S.Mamanazarov) TDYU yozgi lageri loyihasini o'tkazishga mas'ul bo'lgan xodimlarni oromgoh dasturiga muvofiq, ish haqqi saqlangan holda Toshkent viloyatiga xizmat safariga yuborish choralari ko'rsin.

6. Ma'naviyat va ma'rifat markazi (Sh.Po'lotov) hamda fakultet dekanlari:

O'zbekiston yoshlar ittifoqining TDYUdagi boshlang'ich tashkiloti hamda Talabalar assotsiatsiyasi bilan birgalikda TDYU yozgi lageri loyihasini talabalar orasida keng targ'ib qilish va tushuntirish ishlarini olib borish orqali talabalarni jalb qilish choralari ko'rsin;

TDYU yozgi lageri loyihasida ishtirok etish istagida bo'lgan talabalar ro'yxatini shaffof va ochiq-oshkora shakllantirilishiga e'tibor qaratsin;

ishtirokchi talabalar bilan belgilangan joylarga o'z vaqtida kelish, oromgohda belgilangan tartib qoidalarga rioya qilish, texnika xavfsizligi qoidalariga rioya qilish, biriktirilgan mas'ullarning ko'rsatmalarini bajarish hamda loyihada tartibli va intizomli tarzda ishtirok etish bo'yicha tushuntirish ishlarini olib borsin.

7. Birinchi prorektor A.Xashimhonov:

TDYU yozgi lageri loyihasini yuqori saviyada tashkil etish, ishtirokchilarni yoshlar oromgohiga xavfsiz olib borish va qaytib olib kelish bo'yicha tegishli choralarni ko'rsin;

Oromgoh dasturidan joy olgan loyiha, tanlov, mahorat darslari va musobaqalarni yuqori saviyada tashkil etilishi, ularda barcha ishtirokchi talabalarni to'liq qamrab olinishini nazoratga olsin;

mas'ullardan iborat navbatchilik jadvalini shakllantirib, ularni oromgohda talabalar bilan birgalikda harakatlanishi yuzasidan tushuntirish ishlarini olib borsin;

TDYU yozgi lageri loyihasi davomida talabalarning bilimlarini, intellektual salohiyatini oshirish, targ'ibot qilish ko'nikmalarini shakllantirish hamda ularni sog'lomlashtirishga alohida e'tibor qaratsin;

TDYU yozgi lageri dasturidan joy olgan loyihalar, mahorat darslari hamda uchrashuvlarga ishtirok etish bo'yicha mutasaddi tashkilot vakillari bilan yaqindan hamkorlik qilish choralarini ko'rsin.

8. Prorektor (A.Iminov):

TDYU yozgi lageri loyihasini imtiyozli tashkil etish uchun O'zbekiston yoshlar ittifoqi hamda Yoshlar ishlari agentligi bilan yaqindan hamkorlik qilsin;

oromgoh xarajatlarini universitet hisobidan to'lab berish bo'yicha "Yoshlar oromgohi" MCHJ bilan shartnoma imzolash hamda belgilangan mablag'larni o'z vaqtida to'lab berish choralarini ko'rsin;

ishtirokchilarni Yoshlar oromgohiga olib borish, ularni Toshkent shahriga qaytarib olib kelish hamda tog'-yon bag'rlariga sayohatlarini tashkil etish uchun xizmat ko'rsatuvchi tashkilotlar bilan shartnoma imzolash va tashuvlarni tashkil etish choralarini ko'rsin;

TDYU yozgi lagerini tashkil etishga mas'ul etib belgilangan xodimlarni hamda lager dasturidan joy olgan mahorat darslari va uchrashuvlarga taklif etiladigan mehmonlarni oromgohga borib-kelishlari uchun universitet xizmat moshinalarini ajratish choralarini ko'rsin.

9. Buxgalteriya (M.Parpiyev) TDYU yozgi lageri loyihasini tashkil etish bilan bog'liq xarajatlarni universitetning byudjet va byudjetdan tashqari mablag'lari hisobidan qoplash choralarini ko'rsin.

10. Mazkur buyruq ijrosi nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Bo‘lim boshlig‘i

S.MAMANAZAROV



Bosh buxgalter

M.PARPIYEV



Katta yuriskonsult

A.TURSUNOV

